

著  
板  
石洲集坤

五排  
五絕  
七絕  
雜著  
文集  
外集



石洲集卷之五

五言排律

奉寄車五山吟契二十八韻

有美文章伯。聲華溢大苞。佳詞知吐鳳。雄筆見  
騰蛟。雅健凌韓杜。酸寒笑島郊。麗時偏倚苑。奇  
處極牙聲。截鵠流星劍。穿楊偃月梢。高風起頽  
墮。雅量滌昏叔。鸚鵡青雲路。驂騮白玉鞘。忽驚  
身。踏踏可奈謗。嗚呼。犀首終無事。揚雄已解朝。  
唯應攬宿莽。未用索瓊茅。小子蒙蒲被。微才似  
斗筭。難堪長句系。狂簡漫寥寥。入室香薰鼻。臯

風汗被骸。暮江烟漠漠。春館鳥啾啾。逸興詩盈  
卷。清談酒滿甌。望洋多海若。覆水愧堂坳。醉態  
從人罵。新篇任客抄。俗情疑楚璧。世路劇秦壩。  
萬事風中絮。殘生水上泡。行裝挑竹杖。活計海  
棠巢。聚散頭如鶴。艱危泣似鮫。竄身愁羽檄。避  
地法鳴鶻。水伴鳧鷖宿。風聞虎豹咆。窮途雖少  
暇。舊習未全拋。雪棹期相訪。雲窩許再敲。無論  
一日長。已是十年交。義重同瓜葛。情深比漆膠。  
相思歲又換。春色上海梢。

奉別吳都司

宗三十韻

暨暨當朝傑堂堂間世英詩書初學道韜略偶  
成名雅量人皆服高標孰與京才堪調鼎龜志  
在掃撓捨壯氣風雲動孤忠日月明驥蹄香土  
軟鷹翻碧霄晴駟騎辭秦塞樓船擁楚兵先聲  
驅乳贄餘勇掣奔鯨巨猾雖云斃妖氛未盡清  
分符防絕海留節鎮孤城令肅轅門靜人和邑  
里平英明通物理慈惠得民情玉帳經年駐春  
天萬里征觀光宣士女戀德泣孤博勲業期他  
日安危在此行守者金印大還恐雪山輕海雨  
連營幕江風捲旆旌去應催畫鷁歸及聽啼鸞

賤子為何者窮途笑此生自甘無事飲誰識不  
平鳴濫辱招賢禮深紆下士誠掃臺迎郭隗靈  
坐引侯嬴感激情彌切蒼茫意自驚崩縵終有  
托珠履一何榮別恨還千種前途更幾程碧幢  
翻日影畫角雜波聲祖席依依展離觴細細傾  
灰心不盈寸霜髮欲添莖記室非何遜軍謀愧  
子荆未酬知己分回首淚縱橫

吳都司別章代江華府使作十韻

帝命詩書將東征鎮海隅才高為世用名重應  
時禎妙略超千古威聲動九區指揮安鯨域光

彩照龜趺。鼓角樓船。遠風烟海。成孤此行。臨絕  
微終。要展奇圖。偶爾趨。即署居然。佩郡符。掃門  
供執役。負弩作先驅。鄭重驚深眷。龍鍾愧薄軀。  
百年懷感激。長負報恩珠。

尹故丞斗壽挽章八韻

朝野多艱。日乾坤再造。辰方將恢大業。忽復喪  
斯人。宿昔登黃閣。周旋捧紫宸。世稱雙白壁。家  
有十朱輪。士論茲為重。天恩久益新。如何歸厚  
夜。不可問蒼旻。素幙風翻旒。靈輻雨灑塵。只應  
良史筆。垂耀在千春。

一作作餘麟閣  
畫赫赫照千春

響應在鳳凰池

宣宗昭敬大王挽詞十六韻代人作

嗣聖開新統膺期撫大東神謀忝造化至道契  
昭龔禮樂於斯備文章與古隆洗誣光典冊恭  
已接臣工布澤春何限掄才鏡至公庶頑歸一  
德群目仰重瞳運極領中否戎生匪內訌暫勞  
西塞駕遙控北宸宮克復寧無策憂勤實自躬  
果然哀痛札能致廓清切日月重新後乾坤再  
造中浯溪纔頌業鼎水忽遺弓雨緋催仙馭寒  
茹咽曉風扈行兵衛甫奔哭里閭空肺附蒙殊



握心期効小忠攀髯知莫及泣血向蒼穹

不  
年  
集  
卷  
之  
四

三

四

[The main body of the page contains a large rectangular area with vertical lines, which is mostly blank or contains extremely faint, illegible text.]

石洲集卷之六

五言絕句

昨夜

昨夜西園醉歸來對月眠曉風多意緒吹夢到

梅邊

秦始皇

焚書計太拙黔首豈曾愚竟殺驩山塚還非詩

禮儒

醉贈李子善

長鈞脫相贈酒危安及辭男兒然諾地頭白以

為期

江口早行

鴈鳴江月細  
曉行蘆葦間  
悠揚撥鞍夢  
忽復到家山

偶用三南韻

江南  
月黑風吹雪  
鷺鳥繞樹三  
燈前萬里客  
頭白滯

滴滴

天涯  
滴滴眼中淚  
盈盈枝上花  
春風吹恨去  
一夜到

村居雜題二首

微雨乍晴後小挑初  
教時東風強作意吹折最  
高枝

柴扉啟曙烟  
芒屨踏朝日夜來山  
雨晴春蕨已堪折

途中

日入投孤店山深不掩扉  
鷄鳴問前路黃葉向人飛

詠道傍廢宅

古宅何年廢  
墻垣半已傾  
空厨有殘粟  
白日鼠

縱橫

白蓮寺訪鄭德容林子慎

不識招提路天寒雪滿山忽看烟起處知在亂松間

高陽途中見白骨感而作

撲蓬指枯骨問君何代人微禽尚有墓為爾一

沾巾

道傍有俗傳  
鶴鶴墓故云

九月初五把酒有作

江縣葉初墜山扉秋欲深重陽知己迎人醉菊

花張

簡李子敏

江漢春風起離懷又一年南飛有鴻鴈書札儻  
相傳

附次韻

天涯病初起春晝靜如年此日花山子新詩  
萬里傳

題騎驢圖為韓瑩中作

落日青驢背襟懷只有知暮雲千嶂豈何處不  
宜詩

留子定宅邀子寬不至詩以代簡

孤燭照寒夜小梅花半開清尊望夫子夫子胡  
不來

室人勸我止酒詩以荅之

數日留連飲今朝興又多卿言也復是奈此菊  
枝何

有懷李實之

沉酒朝慵起尋詩夜少眠還憐李太守不在此  
樽前

題畫六絕為韓宜仲作

春服初成後山蹊獨立時直須忘去路詩在好



花枝

右春

露髮烏巾小  
哦詩對曲塘  
耽看荷色淨  
不覺柳

陰涼

右夏

為愛霜楓晚  
維舟古樹根  
深知垂釣意  
只是佐

清尊

題畫

皎皎梅梢月  
清宵分外寒  
猶嫌未奇絕  
更向水

中看

石州集卷之六  
二七  
秀色滿空天寧知是粉繪無論枝幹奇已似聽  
寒籟

右古松

怪此蒼髯老長身醉不扶唯知直幹好杜子一  
何愚

右倒松

城東梁子漸慶寓舍次主人韻

背郭村墟小深秋獨掩關休言在城市簾外是  
青山

附元韻

萬戶炟光紫初陽已滿關為憐清景早敲枕  
看秋山

酒席贈梁子漸

會心為至樂無事是良辰偶得一尊酒更逢千  
里人

題桐葉

晚携綠綺琴愛此梧桐影坐待月華生夜深風  
露冷

十月二十一日雨雪交下雷電俱作

莫畫純陰卦休論七日來要知爻外易聽取雪

中雷

寄傲軒次主人邊明叔韻

忘言長莫莫得意便由由盡日無人司二風吹

白頭

公留京邸案在

半夏留京台人言病未蘇只當歸故里烟月釣前湖

夢

白玉仙樓十二黃金佛界三千湧出陽身榻去此間無地

無天

石洲集卷之七

七言絕句

南山讌集歸路作

十里烟花春近遠一樽香碧玉東西歸時月出  
重城閉燈火千家路欲迷

征婦怨

交河霜落鴈南飛九月金城未解圍征夫不知  
郎已沒夜深猶自搥寒衣

與子敏夢得夜登兩宜堂以正江月分韻

余得西字

石洲集卷之三  
江空水落露淒淒沙上鳴禽不定樓高閣捲簾  
人夜語月輪移在海山西

送義上人之松都二首

六年辛苦已忘言萬事都歸不二門古寺翻經  
秋又盡萬山紅葉自黃昏

空山未落響寒溪古寺重來意自迷清坐一番  
微雨歇夕陽依舊在吾西

寒食

城頭春酒賽神歸城外人家盡掩扉小雨霏  
濕枯樹寒鴉啣得紙錢飛

寄具容

年々同賞禁城花別後那堪度歲華  
鴻雁不來春又晚一船風雨在天涯

附次韻

春雨冥濛欲放花客窓癡坐感韶華  
曉星寥落子規歇夢斷江南天一涯

宿大津院

夕投孤館抱鞍眠破屋踈簷仰見天  
聽得厨人連曉語艱難各說壬辰年

例

壬字平聲此用倒讀  
乃國音如杭州十字

石沙集卷之二  
題金晉卿郊居次元常丈人韻

孤村感暮雪皚皚竹下柴扉午未開中酒擁衾慵不起主人扶首勸餘盃

林下十詠

早春林木澹孤清無數山禽下上鳴昨夜無端南澗雨澗邊多少草芽生

右早春

踈籬短竹兩三家水滿池塘吠亂蛙山客夢回山鳥語曉風催發碧桃花

右暮春



春事闌殘雨未耒野田無水起黃埃老農清曉  
開門出山下尋泉未未回

右悶旱

澗邊青草漸看長階上開花滿意香蓬艾捲簾  
終日雨小池鳧浴綠汪汪

右喜雨

避俗年來不過溪小堂分與白雲栖晴窓日午  
無人到唯有山禽樹上啼

右無為

鷺魚飛躍太和中萬物浮沉一氣蘄春雨歇時

存心集卷之三  
三  
連草綠這般生意與人同

右觀物

林下清溪溪上亭亭邊無數亂峯青幽人醉卧  
日西夕萬壑松風吹自醒

右溪亭

已將身世寄山樊俗客年來不到門四壁圖書  
燈一盞此間真意欲忘言

右獨樂

此心非色亦非空方寸之間萬理融本地風光  
誰解得向來都在寂然中

右觀心

世間萬事揔相忘  
顏氏簞瓢一味長  
清曉卷書聊合眼  
一簾微雨可燒香

右存養

馬上得詩

世事如今不管他  
只將詩句了山河  
可憐馬上平生得  
持比劉翁果孰多

過鄭松江墓有感

空山木落雨蕭蕭  
相國風流此寂寥  
惆悵一盃難更進  
昔年歌曲即今朝

注：少句

歌道死後  
酒之意

餅梅

盡日巡簷意未闌折來要向靜中看孤燈照作  
橫斜影水在玉餅春夜寒

湖西客舍

客窓燈火照雲涼魂夢中宵繞北堂記得短籬  
叢菊在恐教歸日失重陽

題仙滄精舍

松下縈回一逕微竹林高處見巖扉山光水色  
自清絕更被斜陽來發揮

次林子定韻贈山人

到無知處得真知始覺坐忘成坐馳報道西湖  
林處士本來無笛若為吹

林詩云歸把祖家無  
孔笛碧潭明月盡情

吹  
初春

天邊梅柳又沾衣意落江南尚未歸夢裡茫茫  
無限事回頭二十九年非

效香奩體

雲屏斜掩翠眉顰不恨紅顏只怨春  
愁外綠蘆簾外路路中多少斷腸人

抱兒有感

赤子胡然我念之曾聞為父止於慈白頭永隔  
趨庭日忍想吾身似汝時

書懷

獻賦論兵心事違此生蓬纍欲何依風塵滿眼  
知音少海上千峯獨掩扉

醉贈秋娘

揚州一夢杳難追此地琴尊本不期莫唱江南  
斷腸曲向來存沒不勝悲

送玄翁歸湖南

聽雨江樓清夜深離情到此已難禁湖南去去

一千里他日相思何限心

附次韻

此極迢迢南斗深  
離懷垂老若為禁  
夜寒鴻海生明月  
斟酌玄翁一片心

旅食鱸膾

長網擁出碧波間  
白雪堆盤解破顏  
巨口細鱗風味好  
此竹非但為名山

余之遊湖南也嘗四月輿尊作一絕云  
湖南佳致似江東  
此物多生野水中  
張翰從來不知味  
歸帆何必待秋風  
今輿

石洲集卷之七  
鱸魚偶記此作因并錄

六月初五夜夢入古寺賦一絕覺而記得

滿林霜葉鬧秋聲  
咽咽寒蛩到曉鳴  
更有風泉

助蕭瑟便教歸夢不分明  
到曉鳴本作語夜  
不曉韻故改之

夢得一小冊乃金德岭詩集也其首一篇

曰醉時歌余三復得之其詞曰醉時歌

此曲無人聞我不要醉花月我不要樹

功勳樹功勳也是浮雲醉花月也是浮

雲醉時歌無人知我心只願長釵奉明

君既覺悵然悲之為作一絕



將軍昔日把金戈，壯志中摧奈命何。  
地下英靈無限恨，分明一曲醉時歌。

捕蠅飼鷄兒戲作

烏鴛何愛螿，何憎一視同仁我。  
未能不祀虫鷄，辨得尖盤中只喜滅秋蠅。

秋日題宋子清蓮亭

小塘秋色在枯荷，折藕寒香浸碧波。  
好是酒醒歌枕處，一軒寥落雨聲多。

謝五山寄一枝菊

雨後秋花濕滿枝，故人遙寄歲寒姿。  
憑渠更覺

辛華晚獨嗅清香有所思

存歿二首

平生

名尚賓字觀仲

詩思秋天杳李子

名榮字善

清談玉

露繁江海幾年音信絕古墳衰草自黃昏

形骸礪魄具公受眉宇清奇姜子舒塵世五年

雙眼淚湖山千里一封書

睡起

西窓睡起對斜陽花影參差柳影長深巷閉門

無客到博山終日費都梁

名香

寄李楨求畫

麟閣勲名計已空十年塵土暮途窮從君輜借  
丹青手置我湖光山色中

還家雨夜憶山中諸友

在山誰料出山愁一夜相思欲白頭夢能不知  
蒼溜亂却疑身卧澗邊樓

初秋寄子敏

聞君萬里還家日值我三旬伏枕時惆悵未因  
乘興去并攔桐葉墜相思

舟行

巴陵城外中宵月烏島山邊半日風穩枕書囊

蓬底睡不知身在急流中

書一作裝

題畫回首為子深作

百年蹤迹寄雲林得計於魚不厭深何物小兒  
剛解事敢將天下感余心

右許由

叩馬方知是義人死生終始一般民遂令薇蕨  
尋常草留得山中別樣春

右夷齊

七里灘頭數疊山釣臺孤絕白雲閑平生悔作  
狂奴態雲播聲名滿世間

右嚴光

柴桑物色似隆中出處雖殊氣味同當日若蒙  
三顧惠哥家天祿未宜終

古陶潛

對菊有感

愛花曾號菊齋翁遠識吾家文正公舊事茫茫  
無處問一樽惆悵對西風

代人寄遠二絕戲林子中

不向空閨怨獨棲怨郎騎馬出關西關西自古  
多佳麗恐為新人滯馬蹄

獨伴秋燈坐到明。念君迢遞在邊城。平生不識  
開河路。昨夜分明夢裡行。

秋夜感懷

月照虛簷生夜涼。草間秋露語商羊。  
十年入世無窮事。門閉寒林葉又黃。

爾雅註曰  
草虫也

春江詞效竹枝歌二首

二月江村花絮飛。水深沙暖荻芽肥。漁童入夜  
唱歌去。渡口月生人語稀。

喜雨亭邊朝雨過。揚花渡頭芳草多。江中擊鼓  
賈客醉堤上。女郎爭唱歌。

八林子定郊居

臘殘春近水邊村  
幾處寒梅欲返魂  
匹馬問人沙路細  
滿林風雪獨敲門

題枕碧亭

層城東畔是扶桑  
千尺危亭倚女牆  
孤戍夜寒六盡角  
碧空無際海茫茫

夜雨雜詠

四句以下句七

似剪燈斟酒  
詩文不加點

春宵小雨屋簷鳴  
老子平生愛此聲  
擁褐挑燈

因不寐對妻連倒  
兩三觥

扁舟無補聖明朝  
白首滄浪意寂寥  
孤枕夢回

聞小雨一燈明滅照春宵

昨日喧喧歌舞場只今荆棘露沾裳  
世間萬事皆如此莫怪書生鬢髮蒼

百年契闊詩千首萬事驅除酒一缸  
半夜虛簷風雨鬧夢成歌枕聽寒江

寒食

祭罷原頭日已斜  
紙錢翻處有鳴鴉  
山蹊寂寂人歸去  
雨打棠梨一樹花

悼已寄示李子敏

親知零落已無存  
萬事人間祗斷魂  
為問如今



風雨之也能重夢具綾原李賀有夜雨燈殘

送

年少今為席上珍瓊枝標格玉精神春風相見

忽指別却羨悠悠行路人

哭具金化喪柩于揚州之山中因日暮留

宿天明出山是夜夢金化如平生

幽明相接杳無因一夢殷勤未是真掩淚出山

尋去路曉鶯啼送獨歸人

偶成

明璫能使盜心注昏鏡最為媼者求志士幽人

莫惆悵人間禍福揆悠悠

沈秀才讀中庸作一絕以示

此道平如大路然誰將意見比登天爐熏一炷  
滿園靜驗取吾心未發前

題壁

祇要從容未要忙眼前無地不風光如今始悔  
平生事誤認奔州作故鄉

金龜城湖亭八景

雨後濃雲重復重捲簾清曉看奇容  
無蹤跡始見東南三兩峯

右三角晴雲

微陽斂斂照寒波無限新詩到此多可向騷人  
留一刻為君持酒勸羲和

右二山落照

綠荷回首背西風人倚樓頭水檻空半夜酒醒  
聞小雨寒聲偏覺在池中

右荷塘夜雨

蘆花如雪滿江干陣陣邊鴻報早寒何處橈聲  
驚著汝一時飛入暮雲端

右蘆渚秋鷗

春郊漠漠雨來初  
草嫩沙平畫不如  
蘆管一聲  
牛背穩人間未信有安車

右東郊牧笛

烟渚蒼蒼極目寒  
忽驚流火照沙灘  
分明知是  
漁舟子莫作踈星蘸水看

右南浦漁燈

西南貢賦溲王京  
千陣風檣趁水程  
此去漢陽  
知不遠船頭指點辛州城

右鳳翔風帆

塞外傳光檻外看  
年年長是報平安  
幽人不識

防秋事只愛雲邊落點殘

右烏島夕烽

宿高禪庵

夕投巖寺近青空枕底蕭蕭落木風老釋不關  
塵土夢獨敲秋磬月明中

和子敏絕句

朱絃清唱對金尊一夜風流抵十分却恨詩翁  
乘興到主人沉醉已昏昏

附元韻

今朝卧病阻清尊強起來柔夜欲分惆悵醉

翁眠正熟琵琶一曲小燈昏

十二月二十六日權汝章生辰也置酒  
要飲病不得赴及夜半獨卧無聊力疾  
往馬君已醉倒牢睡不起左右無人准  
琵琶工侍旁因命彈一曲留絕句而去

次郭山雜題韻四首

羨君文彩映諸郎七字新詩近盛唐自笑暮年  
踈翰墨醉中吟嚙劇顛狂

官燭成灰夜漏遲美人相對淚如絲從今客舍  
青青柳不復長條似舊垂

忙時爭及靜時好樂處不知愁處多不怕鬢毛  
成白鶴但憐尊酒似黃鵝

夕醉昏昏倒綺筵枕邊官燭為誰燃五更忽夢  
宣城事只是前宵已惘然

百祥樓月夜次使相韻

長洲烟草綠萋萋人在樓頭月欲低多少世間  
佳處地斷腸唯有潁江西

憶成州

雲雨高唐夢裏還滿空蒼翠是巫山至今最有  
開心處人在樓臺縹渺間

六月初吉夜夢入空宅夕雨霏霏落葉滿  
庭如有恣別傷時之感口占一絕覺而

記之

空村寂寞掩柴扉  
帶卧殊方故舊稀  
送盡夕陽人不到  
滿庭紅葉雨霏霏

宿高秀才

傳山亭

習池留客醉醺醺  
夜宿秋山近白雲  
風露滿身渾不寐  
小泉幽咽隔窓聞

滄浪亭二絕

屋下清江屋上山  
道人生活計水雲  
間應知靜坐



翻經處潭底神龍夜叩關  
蒲團岑寂篆烟殘獨抱山經靜裡看江閣夜涼  
松月白渚禽飛上竹闌干

金平甫郊居

野人生理何復足一頃荒田數畝園縣吏不來  
門巷靜自編青竹護雞孫

海庄八詠為尹景望作

千疊峯巒展畫屏朝朝爽氣滿窓櫺幽人桂笏  
看雲處最愛天邊一髮青

右瀛山挹翠

石川集卷之七  
十五  
鯨海茫茫迥接空  
馮夷鼓浪駕雷風  
乾坤自古東南豁  
日月浮沉元氣中

右溟海觀濤

東津迢遠水連空  
一陣檣烏杳靄中  
宗慙平生破浪願  
幾時容借半帆風

右蠓島落照

寒空閃閃暮鴉翻  
紅日亭亭下海門  
但使夕陽無限好  
不須多事怕黃昏

右蠓島落照

江干愁色滿蘆花  
望裡長洲一帶斜  
何處青天

數行字晚風吹落白鷗沙

右蘆洲鴈陣

鶴汀鳥渚望依依  
幾處殘村掩竹扉  
江口夜深聞犬吠  
月明知有打魚歸

右竹嶼漁村

江上孤城欲閉門  
戍樓寒角報黃昏  
幾枝吹徹浮雲盡  
正見沙汀月一痕

右孤城戍角

遠林初日上銅鉦  
極浦微茫眼底平  
遙識人家在沙岸  
隔江猶見亂烟生

右極浦炊烟

利仁驛贈李察訪忠彥

風塵一別幾秋螢  
尊酒他鄉忽眼青  
莫歎郵亭屈竒士  
向來浮世寄郵亭

歸江都留別邊明叔

應陸

京口移家計已非  
又將書劍決然歸  
他時若問吾消息  
海上孤村獨掩扉

寄呈成川許令公

潛

江潭芳草綠迢迢  
千里音書久寂寥  
想得降仙樓上月  
玉人閑捻鳳凰簫

清明日寄洪秀才

費覓酒

萋萋芳草喚愁生，老去逢春更有情。  
一夜雨聲花盡發，古詩有無花無酒 過清明之句故云

清明

清明籬落起新烟，物色依稀似去年。  
深巷閉門終日雨，杜鵑花發小窻前。

嬋娟洞

年年春色到荒墳，花似新粧草似裙。  
無限芳魂飛不散，至今為雨更為雲。

過城山具密故宅二首

石湖集卷之十  
城山南畔是君家小巷依依一徑斜浮世十年  
人事變春來空發滿山花

春陰漠漠向黃昏空巷無人雀自喧獨有山陽  
舊儔侶不聞隣笛也消魂

飲權同知狗新樓主人催詩甚苛因次壁

間韻

高人柱笏看雲飛樓外青山翠撲棹不向樽前  
談世事知公已息漢陰機

安樂堂八詠為外舅鄭新昌

億思題

雨後青山雲出豁朝來三角失東西白衣蒼狗

復史事欲賦新詩意自迷

右三角朝雲

千里傳光自玉關  
小星明滅暮雲端  
誰知野老回頭處  
正想蓬來立馬看

右城山夕烽

林靄霏微仍作雨  
望中疑有更疑無  
不須去借元暉手  
已對真身水墨圖

右長林細雨

古岸崩沙擁小灘  
斷橋遙帶夕陽殘  
此間更著騎驢客  
故好停人作畫看

右斷橋殘照

烟光草色共氛氲曲岸回汀遠不分認得村童  
牧牛處數聲蘆管隔溪聞

右烟郊牧笛

帶索腰鎌野水濱黃蘆枯菽盡堪薪安知荷擔  
行歌地不有當時朱買臣

右蘆岸樵歌

晚稻青青早稻香田間小路入陂塘西風昨夜  
清霜重萬頃濃雲一半黃

右泆坪觀稼



小網橫沉傍石磯  
秋來正愛紫鱗肥  
歸時每趁斜陽盡  
一路烟汀雨滿衣

右曲浦網魚

秋日書感

禁城烟樹起西風  
滿目池臺大半空  
莫問侯家

兼陋巷一般秋草  
夕陽中

滿目一作亂後

贈山人

早著禪衣卧白雲  
不教魂夢到塵紛  
渠家五戒

渾閑事何況工夫  
少一分

山人乃宦者故末句戲之

題僧軸四絕

世間行路極多蹊無限浮生到死迷回首試看  
雲盡處夕陽元在碧峯西

曼陀花雨給孤園中有禪家不二門安得撥平  
身事了佛香僧飯送朝昏

招提高住白雲間世外乾坤日月閑方丈寂寥  
人入定不關花鳥滿春山  
不待求心心已安向來饒舌戒豐干相逢試問  
西來意手把花枝帶笑着

觀打圍次府伯韻

風傳鼓角三軍動日射旌麾五彩明蹴踏寒山

禽獸盡叢祠寧復有孤鳴

五川草堂四時詞為尹而性孝題

池塘水綠柳絲斜沙上新蒲欲吐芽睡美不知  
連夜雨曉看紅濕滿山花

右春

簾外雲山雨乍晴北窓筠簟午風清青苔滿院  
人無事卧聽流鶯一兩聲

右夏

茅簷坐對菊花樽盡日看山不閉門莫道詩人  
生理薄秋來芋栗滿西園

右秋

孤村歲暮斷人疑  
谷口悲泉凍石缸  
深室擁爐開小甕  
任教風雪打寒窓

右冬

題僧軸

將心那復遣人安  
案上楞嚴亦不看  
欲問祖師端的意  
月輪當午碧天寒

奉和長溪黃府院君疑見寄一絕

寒潭皎月能留印  
亂岫青霞欲建標  
正愛團團叢桂樹  
不關人作小山招

附元韻

亂代飄零余到此海山專壑甬清標澗邊碧  
草俱書帶莫遣騷人浪賦招

幽居漫興四首

老去扶吾有短筇林居無日不從容清晨步到  
澗邊石落日坐看波底峯

池岸纔容人往還兩池分蘸一邊山青菡葉小  
不掩水時見魚兒蒲葦間

引水作潭聊自娛平地波濤濶如許飛湍落石  
風雨喧隔岸人家不聞語

石洲集卷之七  
三十一  
當日溪流深尺餘兩岸狹窄纔容車今朝化作  
滄浪水已有水禽未捕魚

僧軸中有先人手書絕句敬次韻題卷  
尾

先子文章曾瑞世小生才薄忝家風白頭迸淚  
看遺墨更忍題詩一紙中

又次軸中金南窓韻

新詩多出鉅公手風格宜居盛唐首十載兵塵  
能宛然如師善護今安有

郊居秋興呈府伯沈令公悅二首

數椽茆屋一床書生理蕭然不願餘無限世間  
榮辱事獨臨秋水看游魚

荷葉彫殘柳葉黃郊居物色近重陽無人送酒  
添秋興奈此寒花擁鼻香

種松示諸生

愛爾青蒼有異姿殷勤為向澗邊移他年自致  
雲霄上儻記先生手種時

畿伯月沙李公枉過草堂贈守僧信修詩

曰爾居石洲之學舍石洲新有能詩聲  
勤將首牋求我句無乃山僧亦好名余

亦戲次其韻

山僧要得沙翁句只為清詩盡有聲不用強生  
分別想世間何者是真名

戲簡東隣

日照先生首着盤貧厨冷落未朝餐君家酒熟  
紬衾暖肯念山齋特地寒

李判官

慎言

遣子求詩走筆以寄

今朝忽覺眼雙青為對兒郎想典刑見說江天  
雲霧裏夜寒長候少微星

李為天文學

銅雀妓



一自君王去上天紅顏虛度豔陽年傷心欲望  
西陵樹淚落平生歌舞筵

病中聞夜雨有懷草堂因叙平生二十四

首

不到書齋近二旬忽驚時序已深春中宵卧聽

催花雨欲種山榴奈病身

常按綠水岸列植  
山榴今病未能果

夜雨懸簷到曉鳴病中幽思忽然生關心最是

巖前竹不聽蕭蕭打葉聲

萬古仇池小洞門雙泉咽咽瀉雲根無端一夜

千峯雨卧想飛流觸石喧

山草堂綠澗高行百  
步計有小石門雙瀑

已  
知  
竹  
卷

高幾數尺後亂石間下落小潭山勢環擁別作  
一區余嘗取杜甫萬古仇池穴語通小有天

句名其地  
曰小有洞

小澗潺潺日夜鳴澄潭一畝向來平即今春水

知何似應有輕鯨作隊行

小屋初營澗水潄新栽花木未成林殷勤種柳

遮隣舍嫩色如今深未深

櫻桃坡下井新開汲取煎茶日幾回未將不食

為心惻但愛源頭活水來  
堂西緣岸植櫻桃因名之曰櫻井坡下開

小井  
剛可食

山下方塘上下連踏泥初種陸池蓮長思去夏

自注  
此行  
矣

毋雨夜夜青蛙聒醉眠  
溪南山麓古有水田其地

溪邊小圃近風流  
開說昨蔬尚怯寒何日雨晴

山日暖紫葱青韭助春盤

桐孫初自擇陽移庭畔  
纔橫數尺枝早晚河陰

濃滿地摘素青葉坐題詩

東庭葡萄蔓狀離奇為向  
震簷引小枝不要滿盤

堆馬乳最憐蒼翠滿朝曦

覓得桃花向水栽  
今春更復幾枝開丁寧莫逐

東流去恐有漁舟入洞來

索居偏寬故人稀  
林壑寥寥草迳微顏有東隣

能好事每携春酒款柴扉余端居草堂寂無來問者唯東隣尹而性

海夢酒相詩故云

多衛蹇方得虛名千里相從有宋生汲水採薪

勤服後同渠辛苦欲何成有宋生名希甲者自湖外負笈來訪費身

于禮甚恭服時比無情色蓋至誠也方居守草堂為十年計

北窓清曉捲疎簾重疊雲山露碧尖前夜似聞

行雨過朝來爽氣滿虛蒼草堂塔北戶正對天磨山

醉上危亭近碧峯欄臨斜日撫孤松茫茫巨野

吞滄海可盪平生雲夢膏出峯之一款數十步

而止其上平廣可坐雜草種松各之曰盤桓亭

檻外蟠松一蓋青  
枝枝欲作老龍形  
微風故作冷然響  
爽氣吹顏酒易醒

佳菊分栽數十叢  
淡黃微白與深紅  
傍人莫怪勤封植  
會待清霜九月中

堦上紅葵間白葵  
隨緣開落獨多時  
傍人謾作尋常看  
向日深誠只自知

少讀仙經慕伯陽  
中年耽酒趁風光  
祇今老大身多病  
萬事關心髮欲蒼

素心元不在榮名  
欲佐明君致太平  
人莫我知斯已矣  
白頭直覺負平生

讀破兵書五十家少年豪氣向人誇晚知弓劍  
非吾事歸去清江釣淺沙

誤將鉛槧學題詩身外浮名竟自欺六歲一舟煩

西塞後林泉無計脫塵羈

兼按辛丑冬以自衣  
隨遠接使到義州今

又以製表述官當往義州道  
有采薪之憂未及登途

半生虛作曲歧行至理元未六經能使此心  
存此性宵中風月有誰爭

邵氏當年美此環何曾把筆事朱丹欲知妙理

無窮處須向先天仔細看

余方  
讀易

尹而性有約不來獨飲數器戲作俳諧句

逢人覓酒酒難致對酒懷人人不來百年身事  
每如此大笑獨傾三四杯

次李士常彈琴韻

一曲悲歌行路難匣琴絃絕莫須彈君看千載  
淵明意不在區區撫弄間

前日開城沈經歷

謂

因往來商人寄煮酒

一胡餅今遇歸便作二絕致謝上篇送

別胡餅下篇約天磨之遊

珍重胡餅出奉常為盛官酒到滄浪今朝告別  
還歸去任是無情亦斷腸

相思咫尺夢徒牽  
消息還憑賈客傳  
安得一樽陪杖履  
北山秋月看飛泉

記夢

人間百事與心違  
江漢垂綸計亦非  
一夜夢魂能辨此  
蘆花烟雨滿蓑衣

呈東隣尹秀才

君時屈禮園

百幸浮世一邯鄲  
得失須憑夢裡看  
秋水滿溪山雨細  
不妨來把釣魚竿

即事

丙午九月二日

秋陰散盡月華清  
一夜天公似有清  
何處片雲



來作孽便教蟾兔不分明

雜興

掠削雲鬟曳錦裾市門觀者鬧如雲  
丁寧寄謝紅顏女莫向深閨刺繡紋

觀史有感

高起阿房切太蒼自誇功德擬三皇  
當時只倚長城固未信咸陽作戰場

翻俗傳感爲歌

我家諸厄爾帶去不落人家掛野樹  
只應春天風雨時自然消滅無尋處

送友人赴三陟任

聞君遠作各區宰未到吾能說此州開嶺徑天

滄海闊月明歌吹在西樓詩三陟有竹西樓杜牧云誰知竹西路歌

吹是揚州

無題

宮中氣候風兼雨妾似盈盈枝上花昨日被催

今被妬可憐零落委泥沙

記夢

輕隼漠漠雨簾纖樓外山光翠滿簾好是家家

春酒重杏花無數撲青帘

春日感舊

城西寒食草青青走馬探春酒半醒少壯幾時  
今已老白頭花下抱添丁

城東記事

郭外青山春日斜村園無處不開花黃衫年少  
來何所立馬橋頭問酒家

題柳淵傳後

李完平元翼屬李鰲  
城恒福作傳八板

一回披讀一傷神冤屈後知久乃伸得附青雲  
真幸耳世間何限不平人

秋夜披香堂口占

石湖集卷之七  
二十  
簾幙重重水檻清  
夜涼江月上孤城  
金壘酒盡  
人初散碧樹葱蘢  
曙靄生

贈天香女伴

仙姿不合在風塵  
獨抱瑤琴怨暮春  
絃到斷時腸亦斷  
世間難得賞音人

舟中示成韓山退夫

以敏

沙頭逢着使君車  
共上蘭舟任所如  
攸是江南好天氣  
杏花時節雨晴初

題贈天印上人兼東東嶽鶴谷

觀心見性後  
自勞似虫撲紙  
驢年去為報  
含元

殿上人莫問長安在何處

山中早秋喜晴有作

山木吟風秋氣生  
峯頭初旭射新晴  
澗邊白石渾如洗  
故好先生赤足行

以松壤玉燈付山人法林

西州良玉斲為燈  
淨潔端宜入定僧  
遙識上房清磬歇  
夜珠明滅亂雲層

十日夜夢作律詩累十餘篇其中可記者  
已報江梅破殘牒便知春色入長安  
水邊小店聞寒杵  
沙際孤燈見夜漁  
兩聯

耳覺來凄然有感賦一絕紀異

不爭榮利不爭名無食無家了此生尚有一魔  
除未盡夢中詩律太凄清

過二陵有感

曾把三韓作一家百年灰劫恨無涯孤臣匹馬  
凌前路淚濕冬青滿樹花

用李子敏韻

一罇草堂用李子敏韻題壁上

鴉噪寒城日欲斜偶然騎馬到君家茅齋寂寂  
無塵事共對東籬十月花

寄題帶方房氏林亭

南原自是好溪山更着樓臺水竹間頭白謾勞  
千里夢幾時羸馬出江關

雪後謾興三首

一夜寒威特地多晚來風力捲漁蓑強將雪水  
添茶鼎奈此千山暮景何

右呈權明府

助

城頭暮角欲吹殘酒重青油不受寒更想中軍  
搥鼓處海風飄雪撲旌竿

右示崔教鍊官

縮頸寒眠似凍龜中宵急雪聽窓知銀杯妙語

君家事今日還成幾首詩

右示韓秀才誠

次梅月堂漁村韻

汀洲隱約數家村三面疎籬共一門  
想得夜來風雨惡淺沙留著亂波痕

宮人鄭氏挽章三首

寧亂寂寞委窮塵玉座猶然况妾身  
無復內班催上駁海魚空鎖別宮春

當年曾賜辟邪旗一夢繁華可復追  
尚古阿嬈垂白髮逢人長說入宮時



分香當日事堪哀  
魂逐龍輻忽不迴  
獨有昭陽宮裏月  
至今猶照舊粧臺

舟行五絕

寺下長江百丈清  
江頭楊柳大堤平  
他年誰作

黃驪志倘記洲翁  
此日行一窟寺在驪江

先人曾此作遨頭  
欲向遺民訪舊遊  
昔日小兒

今白髮繁華無跡  
水東流驪州密舍有樓臨江

最壬辰被兵燹所  
化唯故址尚存

楊花津口結烟波  
兩岸青青芳草多  
西北雲山

千萬疊行人回首  
一長歌

衆山環擁似荆門兩岸疑聽楚峽猿記取泊船  
沽酒處短離臨水數家村

春陰漠漠日啣山微雨扁舟載酒還一夢舊遊

那再得謾留佳句落人間余於二十年前與三

有句云春陰一邊雨落照萬重山至今傳於世

送李子仁安赴石城任次金子定韻二絕

江柳青青江水流沙頭春酒送行舟殷勤寫出

陽關曲寄與名鄉舊莫愁

扶蘇山枕錦江流憶上高蘭寺下舟君去試看

三國處至今春草使人愁

聞任茂叔制科

宮柳青青花亂飛  
滿城冠蓋媚春暉  
朝家共賀昇平樂  
誰遣危言出布衣

可歎

猿狙法服擬周公  
俗眼何曾辨異同  
鸚鵡未應承顧問  
啄餘紅粒滿金籠

詠花夢中得

物理何曾有等差  
春來隨分得年華  
不復更向唐昌觀  
且賞田頭薺廩花

正月初三日雪用龍灣舊韻寄三月沙李

相國二絕

病入無醫怯春寒壁上青燈向曉殘一夜無端  
三尺雪忽如灣館醉中看  
公館笙歌擁美人塞風吹雪灑華茵只今潦倒  
身仍病往事回頭十一春

李會知基父母遷墓合奕挽章

可憐同穴願初成孝子經營出至誠看取世間  
人婦義未應泉路獨無情

春日漫興

幽禽啄盡響彭鏗夢裡疑聞叩戶聲睡起捲簾

山雨歇不知春草上階生

絕筆

先生一日出所著詩稿裏以小袂付甥沈某仍書此一絕於袂背後三日

被追詰  
理遂卒

平生喜作俳諧句惹起人間萬口喧從此捨囊  
聊卒歲向來宣聖欲無言

Vertical columns of text within a rectangular border, likely bleed-through from the reverse side of the page. The text is mostly illegible due to fading and bleed-through.

石洲集卷之八

雜體

四禽言

姑惡姑惡姑不惡婦還惡搯搯之手可縫裳桑  
葉滿筐蚕滿箔但修婦道致姑樂何須向人說  
姑惡

右姑惡

鼎小也鼎小也秋禾如雲滿原野今年鼠壤有  
餘蔬買羊醜酒燕同社主婦炊黍客滿座鼎小  
也釜亦可

右鼎小也

我欲死我欲死四月千山萬山裏食有果多巢  
有菽生無所苦死奚為爾不見去歲東郡避甲  
兵若幸到骨猶願生

右我欲死

布穀布穀布穀聲中春意足健兒南征村巷空  
落日唯聞寡妻哭布穀啼誰布穀田園茫茫烟  
草綠

右布穀

秋懷辭念時正  
時建也



我所思兮在絕國山原曠漠兮雲海隔夢相接  
兮覺相失目眇眇兮人如玉念疇昔兮同息偃  
朝嘻嘻兮夕怡怡忽時變兮勢阻生且死兮莫  
相知音塵絕兮不可通悵此生兮長別離瞻日  
月兮悠悠悠悠三歲兮又以暮鴈嗷嗷兮矯翼虫  
切切兮欲何訴覽時物兮澹容與心結悵兮涼  
如雨山可夷兮海可竭唯此恨兮極終古

憶天磨三首效白樂天憶江南

天磨好伊昔再經過千澗水聲歸海遠萬峯秋  
色入雲多能不憶天磨

天磨憶最憶，平生淵誰言。白練飛千古，定是銀  
河落九天。回首意茫然，  
天磨憶其次，憶花潭。春雨歇時，花影亂。夜波殘  
處，月光涵。何日得重探。

青春曲

春尚早已覺，年芳好。輕香澗底，梅嫩色原頭。草  
羨人踏青，誇錦鞵多情，却被春心留。

春欲晚年芳無，近遠花發五城樓。鸞啼上林苑，  
繁華一夢那。定恃令人暗起傷春恨。

春已去年芳，竟何所。茫茫千里外，月極但平楚。

綠樹陰之簾幙靜思量別是風流處

題尹晴詩卷二首

晴龍灣娼也五峯公鍾愛甚自叙奇遇  
首末結以五絕句東槎諸學士皆紀之

余作小詞二闋題于卷尾晴初觀花一

信為

玉似肌膚雲似鬢紅樓坐惜容華尚書風彩也  
堪誇不勞青鳥使芳信託荷花我亦三生香  
案吏夢中曾到仙家翹英豔麗本無差玄霜成  
樂後騎鳳上烟霞

右臨江山

秦樓女多生好結吹簫侶  
吹簫侶盟山誓海嫩  
啼嬌語可憐南浦人歸去  
春城惹是傷心處  
傷心處一番風雨滿簾飛絮

右憶秦娥

晴望回文

樓高倚日斜  
出之長吟苦  
流水遠連天  
曲江寒  
擁樹浮烟碧  
楚平薄霧晴  
山暮頭白  
自飄蓬夢  
歸愁永路

秋晚絕句回文

潮回欲雨寒沙暝遠塞秋雲叫鴈雙寥寂掩扉  
山日落蕭々暮葉墮空江

松京道中懷舊遊玉連環

衣上風埃日色黃八年陳迹入思量土橋山靄  
空中碧石澗松陰雨後涼小路崎嶇尋野寺寸  
岑依約想雲莊壯遊奇樂消磨盡一曲高歌淚  
蕭裳

園中即事玉連環

心如騷客怨江籬離恨春愁白髮垂山麓雨晴  
松影碧石林風暖鳥聲奇可憐浮世人情窄尔

喜閑園物色宜且把新詩慰寂寞莫將羈旅謾  
成悲

春日書懷玉連環

土木形骸厭苦辛十年行止信蒼旻文才薄  
誰相念心事悠々歲又春日照空樑聞語鸞鳥  
喧脩竹想驚鷹君如欲識閑中景小屋爐薰不  
起塵

建陰體述懷

建德豈吾土并州非故鄉除此勿復念々之令  
人傷滿酌金叵羅浩歌情激昂平生請纓去皎

皎懷剛腸定分不可逃間開趨路傍執爨免卒  
伍飲瓢甘士常破屋只容膝生理餘藤床危時  
合隱淪貴富安足望成鬻終一軌萬古俱亡羊  
收心養太和方寸發天光開卷對聖賢永書燒  
清香閉戶了一生榮枯都兩忘

八音歌書懷

金戈挽落日此事本難期石田理荒穢歲暮違  
所思絲染尚云慟途窮能勿悲竹林有古賢清  
風高可追匏瓜繫不食白首甘棲遲土梗笑木  
偶漂流爾焉之莘莘走塵埃恐見高人嗤木奴

足生理何須鐘鼎為

數詩夜坐詠懷

一尊對明月獨酌還獨謠二儀自高下星河光  
動搖三更萬籟寂忽覺超塵囂四顧但茫然江  
海何迢迢五年別故國身似秋蓬飄六韜抱竒  
策奈此雙鬢凋七尺土木骸祇合歸漁樵八荒  
盡征戍何地著簞瓢九關守虎豹仰望空雲霄  
十書竟無益天涯甘寂寥

松

松松傲雪凌冬白雲宿蒼苔封夏花風暖秋葉



霜濃直幹聳丹壑清輝連碧峯影落空壇曉月  
聲搖遠寺殘鐘枝翻涼露驚眠鶴根插重泉近  
蟄龍初平服食而鍊仙骨元亮盤桓兮盪塵宵  
不必要對阮生論絕品何須更令韋偃畫奇容  
乃知獨也青青受命於地匪爾後凋之變吾誰  
適從

竹

竹竹湘江嶰谷根龍蟠葉鳳宿  
孩撫臙梅僕命秋菊和烟細細香帶月  
猗猗綠清晨露綴明珠薄晚風敲寒玉  
節凌霜雪本自堅幹聳雲霄不

曾曲托孤操于逸士韻人結深契爭松籬茅屋  
一箇如嬰白難立趙孤雙竿若夷齊義辭周粟  
貞姿皎潔宜可以配君子所以衛風起比興於  
淇澳

梅

梅梅冰骨玉腮臍將盡春欲迴此陸未暖南枝  
忽開烟朝光掩淡月文影徘徊冷蘂斜侵竹塢  
暗香飛入金罍始憐的皜凌殘雪更惜飄飄點  
綠苔後知勁節可比清士若語高操豈是九才  
愛幽獨尚容詩人看去厭喧鬧不許狂蝶尋來

試問登廟廊而謂昂爾者何以西湖之上孤山  
之隈

菊

菊之左梅右竹結芳盟超濁俗黃葩散金素  
雕玉秋露浥偏寒曉風吹自馥結根不合汚卑  
稟性亢宜幽獨冷雨晴來葉更繁嚴霜降後枝  
猶綠沉濁醪而陶遠世情餐落英而屈修初服  
不論唐昌玉藥自盈之肯數玄都桃花紅藪之  
借問山家風致何處難忘最是重陽佳節白酒  
初熟

蓮

蓮之葉大花娟冒綠水濯清漣香凝曉露彩惹  
朝烟動處覺魚戲靜時宜鷺眠最愛涼侵玉暈  
更憐色照華筵風翻翠蓋歌還整雨瀉明  
却圓周茂叔解比於君子李謫公曾語其天然  
不關江上羅裙花似頰瘦莫峯頭玉井藕如船  
吾將製為裳衣離塵去俗獨與滄波明月恣意  
周旋

植物之中枝葉可愛者二曰松曰竹花可  
愛者二曰梅曰菊花葉俱可愛者一曰

蓮余平生酷愛此五者偶演李白三五  
七言自一言至十言而止成五篇畧叙  
佳致兼用自託非敢描寫形色以求奇  
語也已亥閏四月十四日石洲懶隱  
志

夢頌體禪

白玉公樓十二黃金佛界三千湧出陽身獨去  
此間無地無天

余以製述官久留京邸友人多言大病之  
餘不宜馳驅遠道偶閱小方有藥名曰人

言者因戲賦一絕

半夏留京口人言病未蘇只當歸故里烟月釣

前湖

湖與湖借音

土泉同宿聯句

歲鑰陰崢嶸述天衢霰凌亂章大風山林號窮

巷人蹤斷世夕戶驚剝啄章昏厖開閭呼兒

點燈燭入室鋪牀案述開尊拈琥珀章展鱘搗

璀璨硬語拔取聒述怪談窮汗漫群笑口雙呀

章相視目皆爛袒肩踞如箕述露髮頭不冠燈

腰螻屈伸章鍾臂整拒捍述閤闔觴走羽世開

匣琴揮縵嘿咄非踈隅世嬌羞义闖慢世踦長  
絲報喜章句可音有歎世縹團酸戛牙章黝潤  
煤染翰色夏甘嚼六世酌春任殘半章楚老呻  
窓間世吳儂醪壚畔世籤懸軸橫架章拊盈檠  
被慢世玄壺戴缸坐世蒼鼠抱粒竄池空注石面  
滑章匣霜鐵篋貫世照壁盃吞蛇章嘆室埜鳴  
鶴世伏隙虫有婦章墜技禽失伴世運毫奴頭  
尖章拂楮孫顏粲世觸屏睡若春裂枕世軒如鍛  
世鼎坐烏能炊章弓卧不成彈世地深山擁門  
章江迫沙圍岸塊噫如蓬世浪極方澳世章

贖凍蹲怪巖世龍朽卧竒幹章乳滴暎射簷述  
烟寒雪埋館章氷垂蛭罷齧述霜峙木尖旦世  
簇盤園早釘章額水侵朝盥世華虫吊體解述  
腥鬣憐吐判鏤物文生奸章獻怪語成謾世詩  
神驚突窳述舌電怯輝煥章辦信釘赤杠窮消  
溜素汗世剖萍甜可喊割璞瑩宜玩丘言刮聃  
經章風畫產昌豕世脫馬既免攻樂曳寧受鑽  
述角縮偕蝸蟠章枝腫依攔散世賓名趨耳巢  
夢利背翼低述但保今朝嬉餘外不須笑章

黃溪同宿聯句



虐雪弄陰機章  
猙獰攬坤軸一馬鈍如蛙迷孤

村暮飛蝠鋪席室幽幽章  
開戶山簇簇點燈團

夜語迷論文刮鬻目羈跡嘆雙萍章  
索居違尺

牘日寇毒甚醒迷  
世事危可哭走山脛無毛章

喪馬解生肉拾橡充糗糧迷  
依林當室屋塗腥

驚偃尸章  
丘皓厭積觸繭趾任予迷  
拮手困

匍匐爨來踞宵征章  
礮動喘晝伏吟斃瘞路側

迷速到委山谷九死逃  
碛陰章一身免鋒鏃自

怪戴吾頭迷  
安能望我腹墜塊謀數粒章  
壑荒

播五穀盜中安屢空迷  
杖頭資習卜婦寒榨少

古州集卷之八  
廿

絮章兒飢食半菽樂巷既忸播述撫虱仍掛犢

賣樵頰擔肩章鬻鬻絲空織抽雪穿東郭履述日

照先生帶明睛青久隱章塵鬢白盡禿遇甜蝴

每圓述嘆逝駒太速高深阻歛縫章南北邈忽

倏不謂奎合躔述更此玉闕橫依依發孤笑章

欣欣握一沐抽肝宜毋叱述發口要人服把碧

醺入髓章挹淡清滿掬竒適禮侯恭述聲喜慄

軒縮鉢幽窳呈奧章剖微蘊罄蓄拾唾箇箇珠

述詠德猗猗竹誇譎舌頻嚙章拜昌躬屢鞠驚

掌嘆獨抵述舞脚喜相蹴說舊魂欲懣章承規

顏即恧見黃萌已除述交瑾耐正熟穀傑世方

溷章破老時不淑涸轍魚煦沫述殺機蛇起陸

藿深車避席章巖幽胥歸築山歌哀審角述市

泣悲高筑閉關學天隱章搜腹待日曝時平牛

牟田述歲暮風拔木襍裕見踦巫章豐歲驗夢

牧夜年鷄哭窮述巢居雀警謾擁籬竿竦千章

摸簷花糝六牛哀澶穴嗥述左慈伏牢宿憎寒

頭作鼈章蹋水行似鷺述軋霄峯指攢章扛雲

檜頂章遠興入廬霍遐想到濠濮章吾難義

形色默存道藏肅述永名上竹鮎章憂世越旦

祝只可視顛顛馬能走逐逐

土泉再會照句韻

山夜聞三籟述村醪破孤憤牝頤林搵黠章閣

梭藩柴麋世碧深江浙述翠重峰嶷嶷章暉

晴眺山夔世跽蹠踏土飴慕地雲可篋章被陵

冰作縵世怒巖距角獐章亂卉髯鬣忿述竹啼

飈揆玉章松舞雪篩粉述蠶坐燭劍膽世謾進

銜玉韞述語怪喙屢鳴世詩捷管頻扮章顏臭

虱繚絮述嵒倒蝘沸醞章剝乙軒魚腹世蕪宇

呀鯨吻章獨跪執若鬣述雙疇者似鬣吟喁肩

聳浩章歌鳴耳熱憚世縷解錫莪述的瓌竒

得隳煏黃魏附枕章脣青婦吹蘊芥桂煮晚粥

述鏡藥斲春董世自暮腕穿絡述長往越埃坩

呪霧銅額狺世匿刁蜜口听述肫丁獻時祥世

趨石報世恣章羨破周川沸世豔煽晉地墳述

鮑乾蹇誰吊世詛涕紛獨技章聆雞嚙祖狂述

畫馬禮石謹喘冥憐夏虫世醜噫惜朝槿章田

園胡不歸述蜘蛛斯可隱無營心更遠世弗違

道自近述詩書猶白紛章項馘已黃顛穴樹揖

桃餓世袒荆仰蘭刻述詞源瀉水駛世筆勢奔

卷之八

雷礮章燭盤虹長吐述茶鼎車常轉世人生如  
此足章畢命保懋謹世

述懷聯句

二儀判鴻濛章三精耀混茫世平成萬事出述  
闔闢群品張章林林蠢橫目世昧昧濬封疆述  
靈檀降仙聖章寶曆偕伊唐世為之君臣民述  
教以士農商章至化愼左海世素朴甄東方述  
躡武有殷仁章建國補箕王世八條革夷面述  
億伐昭鴻光章燕盜逐孱裔世韓業俄隆昌述  
瓜分地橫裂章角立邦興亡世跨虛翠麟飛述

沼靈涵德鏡	林禁巢儀鳳	䟽漢通八漕	洞達交康莊	隆堯撥斗極	華堞照扶桑	匹休啓奧區	相宅占華岡	周匝壯闔廛	救寧紹武湯	樹立規略宏	設施謨敵皇	尺夢兆乾符	日角提天綱	應順滅辛癸	未流謀不臧	妖狐壞金甌	陰侵干朱陽	薰腴藹周洽	文治赫明敷	季葉德漸否	玉帛開明堂	統三垂五百	拓土恢城隍	紛紛蠻觸戰	擾擾豺虎場	天人歸青木	墮地紫纓長	神鷄喔金犢	古龍掣牙檣
章	世	述	章	世	述	章	世	述	章	世	述	章	世	述	章	世	述	章	世	述	章	世	述	章	世	述	章	世	述

望嶽邀百祥章雜貨湧列隧世甲第羅諸坊述

媯姪颯綺組章軒蓋擁箏簧世絃簧集圓冠述

鷺陛趨玄裳章汗雨霖九衢世轂雷轟萬箱述

壤產叢瓌蘊章土貢充寶箴世苞實渡海橘述

厨珍出河魴章北漠獻鼠貂世南滇來驢驢述

織絲霞彩爛章彈花雪色揚世金銀銅鐵錫述

瑤碧璆琳琅章楓柟杉檜檉世蓼菜芝蕉薑述

豹舄犀兕熊章鳩鷺鵠鷓鷄世民殷物亦夥述

道泰時自康章重光繼神聖世協恭登俊良述

聲明溢蓋壤章功烈超炎黃世文質既彌彪述



秩禮何煒煌童詞苑翥燕許世俠窟馳原嘗述

馬苴握韜鈐章臯陶持憲章世師錫盡碩言述

共理無奸賊章馨香八無象世裘葛各有常述

恩熙囿穢狝章威布庭戎羗世檣登春酒盈述

畦茂秋蔬香章桑麻敷醲陌世水草茁牛羊述

生身忝聖氓章失學頗清狂世朝隨鬪鷄兒述

夕問當壚娘章金鞭走槐街世玉罕飛柳塘述

訛豔規繡戶章按曲據象牀世馬細金驪囊述

衾暖紫鴛鴦章蹙繩墮花鈿世蹋板搖玉璫述

戲鞠足鬪擣章弄丸手誇忙世飄搖送紙鸞述

卷之八  
一四

被除登石梁章  
振攤呈譎詭世  
角觝技倔強述

魚龍九華變章  
繪綵千門粧世  
新羹摘勾艾述

香餅擷嬌蓄章  
梳粽冰蜜寒世  
甌粘薇果芳述

步郊青染綦章  
陟丘黃泛觴世  
憎虫撒松葉述

擯鼠燒草出章  
曉喧競賣暘世  
朝謹爭棄忘述

傳葩醉神巫章  
拋毬舞妖媚世  
海神效娑娑述

仙禽象翱翔章  
葩蒸萬重霞世  
葉擁千林霜述

韻鸚嘉樹簷章  
燁鵠瓊花颺世  
流連逐光景述

倏忽費炎涼章  
酣爽恣落拓世  
搴襪長披猖述

中年乃覺悟章  
晚節還悲傷世  
剔藪刮舊習述

策駕期月將章專精尋靈簡世索微探瑩囊述  
 羲經鈞隱奧章鄒傳窺江洋世魯史究謹嚴述  
 周頌歌鏗鏘章杜癖痼浮誇世蘇向投雄剛述  
 詩工排小山章賦健期長揚世旁搜到玄門述  
 餘力浮慈航章略傳地下奇世方窮肘後詳述  
 天衡測度躔章地維分昧賜世宜觀志益壯述  
 弘濟願難償章身名坐抹掇世塵土勞動勦述  
 卞璧誰剖璞章豐劍空埋銍世群鴿得鼠味述  
 孤鳳交巢踰章噬入溺井旄世鬪食當途狼述  
 奸睛睽賜睽章擗髮披鬢鬢世白屋陷塗炭述

朱門飲膏梁章乾文慧字動世時侯雨靈雲述

鯨鬣振溟渤章虎折矢開防世擣虛和漢夷述

肆毒湖嶺瘡章翠華效去邠世法駕異遊襄述

師奔解鑠甲章卿竄投圭璋世垢面步王孫述

蓬首帝宮媯章嬰城爨宋骸世復矢鑿魯孀述

偷生走荒谷章鹿身伏林篁世波道愕漂杵述

馘野慄鳴搶章宵征恟鬼燐世陣亡哀國殤述

踰隙縮跟尻章偵竇燭腎腸世津竭盼欲焚述

喘劇瀦如漿章懷裊掩赤爪世結帶牽暝張述

籍蕪成夜茵章拾芋備晨糧世獨眺萬鬼窟述

遠遊千里鄉章斗屋翳柴荆世瓢飲噍穉糠述  
襖襖勤畝功章汗邪祈歲穰世鼎藜元不糝述  
澗毛甘自湘章鶉居拙生理世犢禪餘行裝述  
離群殊壹鬱章感舊徒彷徨世金玉邈爾音述  
雲樹遙相望章不謂此盍簪世快意當紀率述  
各憐肌肉瘦章共歎鬚鬢蒼世入門促燈燭述  
掃榻呼茶鑿章握手暢幽恂世開胸增激昂述  
百年足悲吒章萬事終拙遑世頽綱尚陵遲述  
素食猶巖廊章孤媚豕更塗世能嫉賢又妨述  
齟齬但齟舌章救浹還盈眶世無心走城市述

有興歸滄浪

章

願言修初服

世

相將腕名韞

園碁亂竹間

章

投釣青溪傍

世

一室共圖書

三徑連門墻

章

與君即嘉客終吾以倘佯述風

期固難測世紛殊未央

章

聊將鬱律懷撫劍歌

慨慷

世

去年冬僕南行至鰲山聞趙君善述新

筭于琮原之土泉即冒雪往叩而持世

在焉二公得我敷腴之色可掬剪燭聯

句天明別去後數日善述過僕於黃溪

更值雪夜續土泉故事抵以欠持世為

歎又數日二公同到黃溪宿一夜還往  
土泉僕從之留連五晝夜文酒之樂頗  
洽所聯詩僅千五百餘言二公藻思甚  
壯如水湧山出以僕之蹇劣仰追逸軌  
得無僭耶一別俄頃已復隔年雪窓風  
燭徒入夢想聞耳錄前後四篇時時閱  
覽用破鬱陶辛丑初春歸到江都識之  
李子敏宅作龍灣後會無餞洪輝世朝京  
之行聯句二首

綠樹陰濃畫閣深  
女雨餘微月吐遙岑  
一尊談

笑賒清夜

元復

十載昇沉見素心好事可能賡舊

韻子離愁還自入新吟連年攢踏曾遊處幕府

青衫鬢雪侵

世輝

十一年前事龍灣舊勝遊聖星槎曾半路杯酒

此高樓步深樹風全息虛庭雨乍收聖如何歌

吹地忽復動離愁章



石洲外集卷之一

請誅賊子梁澤疏

伏以先王之有天下者明人倫以立教化誠以  
綱常之道如天地之不可易也如日月之不可  
廢也教既立矣化既行矣而猶慮夫賊仁害義  
者或出於其間故制為五刑以威之其所以維  
持教化者至矣世降俗衰教化不行雖車裂體  
解前後相望而弑父弑君者往往有之况無嚴  
刑重法以威之則天下國家之事將有不可忍  
言者矣臣等謹按江華府人梁澤弑其父本府

之民萬口如一具湘等十六人聯名報官其一  
鄉公論之發已不可掩而府使李用淳喬桐縣  
監李億昌前後所檢打傷之迹考之無寃錄如  
合符節則澤之弑父之狀無可疑矣而有司者  
諉以疑獄不舉典刑置之尋常之地到死肉壞  
爛無可考驗然後託以改檢為名至於不可檢  
則乃繫湘等十六人欲窮問言根所自出若將  
為澤復讎者臣等竊惑焉今夫有司者豈盡無  
父之人哉又豈不知弑父者之不可一日容也  
所以矇矓揜覆以至今日者豈無其由乎彼澤

本饒於財盡賣田宅以行賄賂舉鄉之人實所  
共知但未知入於誰門耳澤之弑父在於去年  
七月而用淳之初檢乃在於十一月億昌之覆  
檢在於今年二月其改檢也在於六月使天下  
之大逆偃卧獄中以待其老而宰相不知其失  
臺諫不言其非臣等竊耻焉嗚呼子焉而弑其  
父尚能以貨賂自衛淹迨時月以至期年之久  
其他則又何說臣等竊見本府之民始聞此事  
莫不張膽扼腕今則人人惴恐反以湘等為戒  
夫始之張膽扼腕此天理民彝之不容泯者也

今之揣恐在上者使然也嗚呼為人上者既不  
能明人倫正風俗使人行孝悌之道而乃使  
網常莫大之變出於畿甸之間又不能明示典  
刑以快天誅而乃使自新之民失其本心臣等  
竊痛焉臣等將見天地易位日月失次三綱九  
法湮滅絕熄而天下之人父子不相殺者幾希  
矣言念及此豈止痛哭流涕而已哉伏願 聖  
下赫然發怒快示明刑使天下之人昭然知殺  
逆者之無所容於覆載之間則天地既塞而後  
開日月既闇而後明三綱正九法立而天下之

為父子者定豈不快哉豈不盛哉不然臣等或  
將赴海而死或將被髮入山或將此走胡南走  
越耳寧能坐視禮義之邦化為無文之國而真  
然與禽獸為群哉臣等生於輦轂之下早蒙菁  
莪之育而粗識彞倫之典矣流寓本府親見此  
事義不容默默而所以遷延到此者庶幾有望  
於士師今伏見推考敬差官趙廷芝挈家而來  
使梁澤妻孥出入於門屏之間所推喬桐律生  
之招明白的實而不上達若是則弑父之賊  
終無時而可誅也臣等不勝區區憤惋之主謹

沐浴以聞

雜述

孟春之朔二客過余有風肅然徘徊中庭客曰  
異哉風風何氣哉答曰盈天地之間一氣耳氣  
有聚散有升降夫風者氣之迹也孰披拂是理  
自爾也舉手示客曰客知此手客曰手也曰手  
之為手固也向也靜而今也動向也屈而今也  
伸所以者何答曰氣哉氣哉余曰然氣非我有  
也天也天者何氣而已理而已天有理氣萬物  
化生在物自觀物各物也以天觀物物亦天也

又惡知風之非我我之非風二客相顧歎曰朝  
來自外也在路者無非人今聞主人之教此焉  
異之求我身而不自得孰為人哉客出閉門而  
記其說

倉氓說

氓有室于太倉之傍者不廢著不耕耘每夕出  
而夜歸則必持五升米焉問所從得不告雖其  
妻兒莫覺也如是者積數十年其食絜如也其  
衣華如也而視其室則空如也氓病且死密詔  
其子曰倉之第幾柱有窾焉其大客指米之堆

積于內者咽塞而不能出甬取木之如指者約  
于窾中迎而流之日五升即止無取贏焉氓既  
死子嗣為之其衣食如氓時既而恨窾小不可  
多取鑿而巨之日取數斗猶不足又鑿而巨之  
倉吏覺其奸拘而戮之噫穿窬小人之惡行苟  
能知足亦可以保身氓是也升斗利之細者苟  
不能知足亦可以殺身氓之子是也况君子而  
知足者耶况取天下之大利而不知足者邪高  
靈申質夫為余言

從故圖說



世之游閑者群居無事則聯數幅之紙列叙官  
班爵秩而附以升降黜陟之法削木為六面刻  
德勲文武貪軟六字於其面如此者凡三顆於  
是數人對局呼而擲之隨其所得而升黜其班  
秩視班秩之貴賤以決其輸贏日之曰從政之  
圖其來蓋以余自少時不嗜此戲見儕輩為之  
則必麾而去之歲丙申客于湖南一日偶步出  
野亭有數客方設此戲余從傍而諦視之有升  
而貴者有降而賤者或始黜而終陟或始陟而  
終黜疑亦有數存焉於其間也夫升而貴者未

必皆賢降而賤者未必皆愚始黜而終陟者豈  
前拙而後巧始陟而終黜者豈前巧而後拙其  
所以升降黜陟者既不可以賢愚巧拙論則但  
卜其偶不偶耳嗚呼余觀夫今之從政者其有  
不類乎是圖者耶或曰非偶也其機巧之智有  
以致之此說余未信之

題握機橐籥後

右乃徐昌會際卿所撰也使際卿遇知於天子  
用力於當世其功謀豈可勝道者哉而方且屈  
跡小官與俗湛浮其瓌瑋倜儻之氣無所洩託

一書以自見悲失世之懷竒見不得施設鬱  
守窮廬者豈獨際卿余於是乎有感焉

跋竹窓遺稿

竹窓遺稿者亡友具容之所作也君天才甚高  
未嘗苦學而所得無入其詩清俊典麗往往逼  
古不幸早死秀而不實嗚呼惜哉余從其家求  
得百餘篇撰為一卷傳之同好庶幾無致泯沒  
君為人純厚質直有長者風在家無纖毫過差  
居官能以愛民為心與朋友交義而信嗚呼其  
不可泯沒者豈獨詩而已哉君卒之明年壬寅

仲秋石洲題

竹梧堂記

羽之靈者曰鳳出于丹穴飛于四海非梧桐不  
楸非練實不食練實者竹實也高翔遠集與時  
顯晦故君子有取焉余友林子定築室于錦水  
之涯其園十畝鉅竹千挺切切交峙老梧一株  
直堂之東隅乃以之二物名堂蓋即其所有而  
託義於鳳也仲秋之日余往造焉梧至夜山月  
斜明梧陰在地有風颯然從竹所起徘徊中庭  
轉入軒戶子定欣然曰此亦足老死無戚戚者

否余應曰諾雖然時有否泰道有顯晦齋諱知  
子定不蹙蹙而儀于姚熾熾而瑞于姬耶若然  
者子定欲久有此得乎子定不語垂頭而睡余  
喟曰鳳兮鳳兮遂執燭以記今年萬曆戊戌余  
花山權某

花下小臺記

堂之東有小丘其始棄地也孟夏之初課隸入  
刺臭草去朽拊作小臺于櫻桃樹下其大受林  
其高及堂既成戴小烏巾手執唐人詩一卷偃  
仰乎其上鳥聲花影不違酒壺茶鼎之內余始

而適中而失其所以適終而未嘗適也未嘗不  
適也或言必有脩簷廣宇而後可以游息者余  
不信焉

伯氏行狀

公諱譚字汝晦先君之長子也先君初娶忠勳  
府都事鄭公承休之女以嘉靖庚子正月四日  
丁酉生公生一歲而慈氏卒公少敏於學既長  
病酒廢舉子業居家不治生產少交遊左右書  
史蕭然也萬曆己丑以門功補典設司別提壬  
辰之亂脫身南走就食兩湖間癸巳奔先君喪

服闋流寓湖西艱窶屢年戊戌三月二十五日  
寢疾終于大興縣女婿朴瑄之家享年五十九  
無財不克返葬遂窆于其縣某鄉某原公平生  
酷好唐人詩雖流離困頓未嘗釋手喜作七言  
絕句語頗清新嘗夢作二句云來自空中來去  
向空中去自知不能久於世杖策徒步行數百  
里者繼母于海州歸數月而卒嗚呼可哀也已  
妻某郡李氏判官光澤之女年五十八先一月  
卒同窆允生男一人女二人長女即朴瑄妻餘  
未婚俱死於亂外婦之子一人曰斗星

姊夫李上舍表石陰記

君諱晟字景明姓李咸安人曾祖曰世應封咸  
安君祖曰霽忠勲府經歷考曰彥亨舉人妣文  
化柳氏郡守德男之女以嘉靖庚戌某月某日  
生君性孝友力學持身接物務合古禮既登司  
馬屢舉不第萬曆壬辰海寇張甚君奉母逃之  
山谷雖顛沛供子職益勤時流民食乏或以金  
帛入賊營為市君痛禁僕隸不得與賊通貨八  
月某日遇賊被害壽若干次子孝曾從死母柳  
氏妻權氏長子孝閔及二女不為賊得收君尸



權厝于高嶺明年癸巳孝閔以毀死又三年丙申權氏易棺衾窆君于高陽之尾窰谷二子俱無後女長適叅奉李瑱次適士人洪竇權氏安東大姓某之孫某之女有至性賢行哀君生不得有所施恐死而遂泯立石表墓且告其弟鞞曰可無辭鞞於是乎記時某年某月某日

祭宋聘君文

嗚呼天不欲使斯民見太平耶不然夫何以公之有志乎經濟而卒不得施耶天之保佑善人其卒茫茫而不可恃耶不然夫何以公之積仁

潔行而遽至於斯耶嗚呼卓絕之行宗博之論  
吾不復見其人也方公之逝也我在西州其殯  
焉不得撫棺而盡哀其珊焉不得視公之柩入  
于土也豈但我之抱恨終身抑恐長逝者魂魄  
有憾於冥冥之中也嗚呼先民有言死者復生  
生者不愧教公之諸孤卒以成人揚公之志行  
以傳諸後儻可以少蓋前愆公其知耶其不知  
也耶

酒肆丈人傳

昔者邵子居洛一日乘小車賞花於天津橋憇

于酒肆之傍見一老翁鬚鬢皤然鈎簾而坐左手獵纓右手指邵子曰汝非邵雍耶邵子拱而對曰然曰汝非折天地之和離陰陽之會漏神之機洩道之密以取媚於世者耶若汝者古謂之天刑之民邵子矍然逡巡而進曰夫子何罪雍甚耶雍自少時讀先王之書至于今四十餘年矣言不敢有悖乎理行不敢有違乎道夫子何罪雍甚耶丈人齟然而笑曰甚矣難悟哉子之惑也居吾語汝至道之精窈窈冥冥至道之極昏昏嘿嘿二儀相軋而萬化出焉者非有所

輔相而然也五氣順布而四時行焉者非有所  
裁成而然也遠古之世其君愚菴其民朴鄙不  
識不知乃蹈乎大方亢天地之間有生之類裸  
者毛者羽者介者鱗者喘莫者肖翹者趯趯而  
秋啣者咸得其所若此之時可謂至德也已自  
伏羲畫卦而大和散文王之演孔子之翼而元  
氣磔於是天下智者紛紛而起曰我善言易象  
相與跪坐而說之為剛柔消長之辨者盈滿海  
內矣是故雲氣不待族而雨草木不待黃而落  
日月之光益以荒噫作易者之過也今汝盜竊

陳搏之餘論作為詭說命之曰先天之學誇竒以眩俗矜偽以惑世噫亂天下者必子之言夫邵子曰雍聞天地之精因卦以顯卦畫之蘊因辭以著無非所以開物成務之道也夫子以為過敢問有說乎丈人曰吾藏於酒肆而有餘歲所釀日數十石而其味不爽故凡求酒者不之旁舍何則以能知酒之性而順以成之也吾於萬物唯酒之知吾將以酒喻道可乎夫酒之始也渾然一氣耳烏有所謂醇漓厚薄者哉三於醜之漉之壓之芻之而後清濁分焉於是醇者

以漓厚者以溥而酒之性遷矣夫至道之疑非  
酒渾然歟伏羲醜之文王漉之孔子壓之而今  
子又將芻之吾恐窈冥者昭然昏嘿者的然而  
至道鑿矣然則所謂不敢恃者乃所以恃之也  
所謂不敢違者乃所以違之也我率天地之性  
而已何所知哉順天地之化而已何所為哉夫  
一氣自運也四時自行也雨自施而物自壯也  
而子亦放道而行而已矣奈何窈窈焉知之弊  
弊焉為之以自聖哉邵子透蛇匍匐以面掩地  
定氣而後言曰夫子之論至矣雍敢不敬承明

訓然竊有疑焉願夫子之卒教之也伏羲文王  
孔子世所謂大聖人也而夫子之言若此然則  
彼三聖者自不足法歟丈人曰是故惡夫佞者  
子歸乎吾口閉矣邵子趨而退上車三失轡懼  
然不自得者間後者曰先生若有不豫色然邵  
子喟然嘆曰我治聖人之術亦已久矣自以為  
道在我矣今聞酒肆丈人之言我誠小人也  
不敢更論道不敢更說易程子聞之曰德者也使  
弟子往求之肆已空矣君子謂自古有道而憑  
於市肆者蓋嚴君平司馬季主之倫多矣酒肆

石洲文集卷之二  
丈人其言鑿若不經然往往與老莊合所謂遊  
方之外者非耶

郭索傳

郭索者吳人也其先曰匡佐神農氏得治胃氣  
理經絡之術嘗客游秦秦人多病瘡者匡至門  
瘡輒已自是郭氏重於秦匡子曰教教予越王  
勾踐是時越王方委國政於鬪蛙蛙素習知郭  
氏小之不為禮乃去自教歷九代至索索生而  
性躁然有物外高致避世亡在澤中嬖跚勃宰  
於蘆葦間務滅其跡不欲上人齒牙間江湖人



往往知其處造而請索不得已而與之遊人雖  
盛設杯盤以待然非其好也有薦索於上者上  
曰昔者太史奏井鬼之分必有異人豈索邪使  
使強致之欲授以喉舌之任索兩舉手加額而  
謝曰陛下有命臣雖赴湯鑊所不敢辭然臣介  
士也薄於世味寧遊戲污瀆之中自快無為有  
國者所羈因沫涕飲泣上潸其志且以其家世  
有橫草之功詔以九江二洲松江震澤為索食  
邑郭氏散處江湖間者甚衆而獨索能以風致  
自顯所與遊者韻人佳士最與醴泉曹醇善相

許以氣味與錢請醇索時時與俱往雖有悲愁  
鬱挹者索與醇在其左右則必欣然樂也漢將  
彭越之後有曰螟者學擾孟之術能像索形貌  
人視之不能別也然螟外托君子而內實陰賊  
士大夫莫肯符以腹心云漢武帝時有郭解者  
任俠行權丞相公孫弘以法誅之或曰解即索  
之先也或曰非也世莫知其然否

太史公曰郭索佳公子也剛外而黃中其學易  
者耶觀其被堅執銳凜然有橫草之氣而卒死  
於草澤悲夫世或以無腸譏索豈不過也

古石鐺銘

女奴於田中掘地得一物塊然叩之聲硜硜剝  
土痕剔蘚紋乃小石鐺也柄三寸中可受二升  
許沙以磨之水以滌之光潔可愛余命置諸左  
右以供烹茶煮藥之具時復摩挲以戲之曰鐺  
乎鐺字與天作石者幾年巧匠鑿而器之為人  
家用者又幾年埋在土中不見用於世者又幾  
年而今為吾所得噫石物之最賤且頑者其隱  
顯之間不能無數也如此况最貴最靈者耶遂  
作銘以刻之想之日乙未正月十六銘之日其

月之二十  
曰捨則石用則器

四吾堂銘

食吾田飲吾泉守吾天終吾年

閑居四伴銘

書載道渠載書書為筌蹄况於渠

右書可

大於壺小於甕小大之間適其用虛能受貯以酒下有禁禁過飲

右酒樽

枕用木二寸二分憑而睡物化紛紜周耶蝶耶

請質於君

右木枕

其形也隅可反其長也身有丰鋪而坐獨酌也  
獨吟也藉而夢江湖也山林也雖有文茵錦席  
吾不易也

右草座

梳銘

心不治不正髮不理不整理髮當以梳治心當  
以敬

自警意

有

勿謂無知，此語在茲勿謂無聞，其屬于垣一朝  
之愈平生，淺濼一毫之利，平生為累，物相于  
德起爭端，平吾心地，自然無事。  
凡不慕萬乘，卿相方可付萬乘，卿相士苟愛一  
分銀子，便不直一分銀子。

Blank page with faint bleed-through text from the reverse side.

